



REPUBLIKA E KOSOVËS / REPUBLIKA E KOSOVES / REPUBLIC OF KOSOVO



KOMUNA E RAHOVECIT - OPŠTINA ORAHOVAC
Drejtoria për Shëndetësi dhe Mirëqenie Sociale
Odeljenje za Zdravstvo i Socijalno Zastitu

Drejtoria për Shëndetësi dhe Mirëqenie Sociale
Odeljenje za Zdravstvo i Socijalnu Zastitu
Department of Health and Social Welfare

-VI- Nr. I prot 107 Më 21.05 2021
Br. prot.

RAHOVEC - ORAHOVAC

Datë/Datum/Date:	21.05.2021
Referenc-ë	
CC	
Për/Za/To:	Sekretarinë e Kuvendit- Rahovec
Nga/Od/From:	Drejtoria për Shëndetësi dhe Mirëqenie Sociale në Rahovec
Subjekti/Predmet/Subject:	Informatë rreth Pandemisë Covid-19 DSHPS

DREJTORIA PËR SHËNDETËSI DHE PËRKUJDESJE SOCIALE

Drejtoria për Shëndetësi dhe Përkujdesje Sociale, gjatë kësaj periudhe raportuese ka zhvilluar aktivitetet e saj në të gjitha fushat e veprimtarisë, me qëllim të rritjes së cilësisë të shërbimeve të Kujdesit Parësor Shëndetësor si dhe ngritjes së përgjithshme të cilësisë së jetës së qytetarëve të komunës, përfshirë këtu edhe mbështetjen në fushat e shërbimeve sociale dhe më gjerë.

Nga muaji mars 2020, që është karakterizuar me një sërë aktiviteteve dhe masash të ndërmarra nga Komuna e Rahovecit për Covid-19, si drejtori në funksion të mbrojtjes së shëndetit publik të popullatës dhe menaxhimit të situatës nga përhapja e Covid-19, kemi ngritur në nivel të lartë gatishmërinë për t'u ballafaquar me raste eventuale të këtij virusi, duke ndërmarr masat e nevojshme për parandalimin e infeksionit nga Virusi Korona COVID-19. Si drejtori e shëndetësisë i kemi zbatuar të gjitha rekomandimet e dala nga IKSHPK-ja, ku edhe gjatë inspektimit nga Ministria e Shëndetësisë, përkatësisht inspektorët shëndetësor QKMF-ja në zbatimin e rekomandimeve është vlerësuar maksimalisht.

Deri në këto momente kur po raportojmë kemi gjithsej 1173 raste me Covid-19, raste aktive janë 26, të shëruar janë 1076 dhe me fatalitet janë 71.

Kemi pranuar 1832 doza të vaksinave Astrazeneca, dhe 192 PFIZER (Fajzer) ku fillimisht është vaksinuar stafi shëndetësor, ndër të cilët një pjesë kanë hezitur të vaksinohen, pastaj ka vazhduar vaksinimi i të moshuarve mbi 85 vjeç, si dhe të sëmurët kronik, duke zbatuar rekomandimet e Ministrisë së Shëndetësisë rreth vaksinimit të popullatës kundër virusit Covid-19.

Deri më tani janë vaksinuar 1596 qytetar me Astrazeneca, dhe 192 me Pfizer (Fajzer), ndërsa janë rezervë 400 doza me rekomandim të MSh, për vaksinim të qytetarëve me dozën e dytë.

Po ashtu në QKMF, po bëhen teste rapide për Covid-19 dhe nga fillimi i testimeve deri më tani janë kryer 1122 teste rapide, 118 kanë rezultuar pozitiv me Covid-19, ku këto të dhëna janë regjistruar edhe në IKSHPK, në raportin ditor të cilin e bën QKMF-ja çdo ditë.

Në mënyrë që të ofrojmë shërbime profesionale dhe të sigurta për qytetarët, është marrë vendim që në të dy QMF-të në Krushë të Madhe dhe Ratkoc edhe ditën e shtunë të punohet me orar të rregullt.

Në njërën nga mbledhjet e mbajtura të Kuvendit Komunal më 2020 është miratuar propozim-vendimi i Kryetarit, z. Smajl Latifi për miratimin e mjeteve financiare në vlerë prej 10.000 euro për menaxhimin e situatës së krijuar nga virusi COVID-19

Vazhdon dezinfektimi i objekteve shëndetësore ku çdo vikend dezinfektohen të gjitha institucionet shëndetësore dhe deri në këto momente kur po raportojmë janë dezinfektuar 60 herë, si QKMF, QMF, AMF, ndërsa reparti I Mjekësisë Familjare dhe Emergjencja dezinfektohen çdo ditë pune.

Kemi bërë dezinfektimin e të gjitha objekteve dhe institucioneve publike, duke përfshirë të gjitha vendbanimet e komunës së Rahovecit, si: objektet shëndetësore (QKMF, QMF-të, AMF-të), objektet e administratës komunale, objektet fetare: (Xhamitë dhe Teqetë), Stacioni i Autobusëve, Stacioni Policor, objekte kulturore dhe sportive etj.

LISTA E OBJEKTEVE TË DEZINFEKTUARA NË KOMUNËN E RAHOVECIT

QKMF, QMF-të, AMF-të	60 - objekte shëndetësore	Komuna Rahovec
Objekte fetare	24 -xhami në tërë Komunën e Rahovecit	Komuna Rahovec
Objekte fetare	2 -teqetë në Rahovec	Komuna Rahovec
Objekte kulturore dhe sportive	Palestra Sportive, shtëpitë e kulturës	Komuna Rahovec
Objekti i pasaportave	5 – Kompetencë e MPB	Komuna Rahovec
Stacioni i autobusëve	5-Stacioni i autobusëve në Rahovec	Komuna Rahovec
Stacionet Policore	2- Stacioni policor në Rahovec dhe nënstationi Policor në Zoqisht	Komuna Rahovec
Objektet e Komunës së Rahovecit	20- Objektet e administratës komunale në Rahovec, të dezinfektuara në tërësi. Salla e kuvendit dezinfektohet çdo herë nje ditë më herët para seancës së kuvendit dhe të KPF-së.	Komuna Rahovec
Institucione të drejtësisë	2 Objekti i Gjykatës Themelore Gjakovë- dega në Rahovec	Komuna Rahovec
Institucione arsimore	4 Çerdhja "Tulipanët" në Rahovec	Komuna Rahovec
Spektori privat	3 Kompanitë private që kanë një numër të konsiderueshëm të punëtorëve	Komuna Rahovec

Komuna e Rahovecit, përkatësisht DSHPS-ja, ka planin operativ duke caktuar edhe vendin për ngritjen e një karantine e cila në rast nevojë, do të përdoret me qëllim të menaxhimit të rasteve të ekspozuara ndaj virusit, sipas nevojës, ky plan zbatohet në rast përkeqësimi të gjendjes me Covid-19. Pas situatës së krijuar nga rreziku i infeksionit COVID-19, të gjithë njerëzit e vullnetit të mirë, individë e biznese, po vazhdojnë, traditën, humanizmin dhe solidaritetin, në mbështetje të qytetarëve, duke dhuruar kështu donacione të ndryshme si: pako ushqimore dhe higjienike, destilatë, dezinfektues për duar, ndihmë në vlerë monetare etj.

Shpërndarja e pakove ushqimore dhe higjienike është bërë në përputhje me listat e përpiluara në bashkëpunim me kryetarët e këshillave të fshatrave dhe lagjeve urbane në qytetin e Rahovecit, Qendrën për Punë Sociale në Rahovec dhe Kryqin e Kuq.

Si drejtori vazhdimisht jemi ballafaquar me mungesë të materialit mbrojtës për personelin mjekësor si maskat mbrojtëse, dorëzat, dezinfektues, rroba mbrojtëse dhe syza mbrojtëse për personelin shëndetësor që janë vija e parë e frontit me COVID-19, ndërsa tani në këto momente furnizimi me material mbrojtës është stabil dhe i qëndrueshëm, por, në vazhdimësi jemi ballafaquar me mungesën e barnave nga lista esenciale dhe në këto momente që po raportojmë kemi nënshkruar kontratën për furnizim me barna emergjente për nevojat e QKMF-së.